

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **81 (2019)**

Heft 6: **Rituale in der Schule**

PDF erstellt am: **21.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Dar anavant igl fi e betg la tschendra

En usit è en ritual tgi vign surdo da generaziun a generaziun, ena tradiziun. Ainten las valladas grischunas ins canoscha igl usit dad eir cun la steila. En usit tgi sto s'addatar per pudeir surveiver. Igl exaimpel digls steilers da Cunter.

ZEGNA PITTET-DOSCH

Ena domena angal per mattatschs

Eir cun la steila era cleramaintg ena tgossa tgi angal mattatschs pudevan far. Els gevan plagn luschezza da tgesa an tgesa e purtavan cantond igls miglers giaveischs. A nign fiss ansomma nia andamaint tgi er mattatschas pudessan sa participar. Angal mattatschs a steila scu er angal mattatschs a calonda mars. Schi ensatgi veva ena segna da dumonda pertutgont chella practica, alloura niva chella segna da dumonda furbada davent, sainza discutir. Cler, angal igls mattatschs! Igls steilers eran naschias or dalla tradiziun dalla baselgia.

Cun eneda mengia pacs masculins

A parteir digls onns settanta èn er a Cunter svaneidas las famiglias cun seis u duple unfants. Pi pacs unfants an vischnanca, pi pacs unfants per veiver las tradiziuns. Igl onn 1991 ògl angal ple do ena schliaziun. Las mattatschs on er pudia sa participar

agls usits scu steilers e calonda mars. Chel zap è betg nia fatg cun en pensier dad egualitad, pero igl zap è nia fatg cun totta consequenza. Igl infant igl pi vigl dalla scola primara era mintgamai igl «schef» da steila e calonda mars. Cun integrar las mattatschas on chellas da bel'antschatta gia la madema posiziun.

Tot marscha scu splano

La midada dad er integrar las mattatschas è neida acceptada. I marschava. Igls proxims onns è igl usit rasto tigl unfants. Igl vigl u la viglia era igl schef u la scheffa ed igls oters faschevan per cumond. Eneda cò ena stumplada e siva lò ena piztgeida, pero da prancepi era la hierarchia clera e chella niva messa an dumonda da nign. Duple tgi vantg onns ègl marscho. Vantg onns durant quals la societad è sa midada, sa midada è er la structura familiara e las spetgas anvers en usit digls unfants.

La scola ò intervegnia – e siva sa retratg

Igls steilers eran cun eneda betg ple bagnias tar tot igls giasts da vacanzas, i dava vouchs criticas tgi na vasevan betg gugent steilers anc da mesanotg a spass tras vischnanca e vetiers èn nias igls amprems unfants tgi na savevan u pudevan betg acceptar en oter infant scu schef. La scola ò intervegnia ed ò surpiglia la coordinaziun e l'organisaziun digls steilers. La scola ò er accentuo tgi chegl duess puspe davantar en usit per la populaziun indigena e betg en usit per rimnar tants raps scu pussebel cun eir a cantar tranter Nadal e Bumang. La midada è gartageda, igls steilers èn turnos simbolicamaintg an vischnanca. Cun la fusiun dallas scolas an ena suletta scola primara ò chella refuso dad organisar igl usit digls steilers. Per tgi chel usit possa surveiver ò igl cumegn baselgia surpiglia la coordinaziun, pero dependent da persungas tgi s'angaschan voluntariamaintg per chel usit. Dalla baselgia tar la scola ed ossa anavos tar la baselgia. La veia saro pero betg anc fittada.

